

31 MAY 1996

AGONG UTUS PERUTUSAN TAHNIAH SEMPENA KEMERDEKAAN SAMOA BARAT  
(Embargo: Untuk siaran pada jam 0001, 1 Jun)

KUALA LUMPUR, 31 Mei (Bernama) -- Yang di-Pertuan Agong Tuanku Ja'afar dan Raja Permaisuri Agong Tuanku Najihah telah mengirimi perutusan tahniah kepada ketua negara Samoa Barat, Malietoa Tanumafili II, sempena hari kemerdekaan negara itu.

Menurut kenyataan Wisma Putra, Tuanku Ja'afar dalam perutusannya berharap hubungan baik yang sedia terjalin antara Malaysia dan Samoa Barat akan dipertingkatkan di tahun-tahun akan datang untuk faedah kedua-dua negara dan rakyat mereka.

Perdana Menteri Datuk Seri Dr Mahathir Mohamad juga menghantar perutusan yang sama kepada rakan sejawatannya, Tofilau Eti Alesana.

Dr Mahathir berkata Malaysia berharap untuk bekerjasama dengan lebih rapat dengan Samoa Barat bagi mempertingkatkan lagi hubungan dan kerjasama.

Menteri Luar Datuk Abdullah Ahmad Badawi juga mengirimi perutusan kepada Tofilau Eti Alesana, yang juga Menteri Luar Samoa Barat.

-- BERNAMA  
RAM WAT AKD